

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

আমেরিকার ‘দ্য আরি রোল্যান্ড জ্যাজ কোয়ার্টে’

বাংলাদেশে নিয়ে আসছে জ্যাজ সঙ্গীত ‘বপ্’

শিল্পকলা একাডেমীতে যুক্তরাষ্ট্র দৃতাবাসের ‘ফ্রি কনসার্ট’

ঢাকা, ৭ই ডিসেম্বর -- প্রখ্যাত আমেরিকান জ্যাজ দল ‘দ্য আরি রোল্যান্ড জ্যাজ কোয়ার্টে’ বাংলাদেশে তিন দিনের সফরে আগামী বুধবার, ৮ই ডিসেম্বর, ঢাকায় আসছে। যুক্তরাষ্ট্র দৃতাবাস ও এদেশে বাঙালী সংগীত ও নৃত্যের অন্যতম প্রধান পৃষ্ঠপোষক ‘নৃত্যধারা’ যৌথভাবে এই সফরের আয়োজন করছে। তাদের এই সফরে ‘দ্য আরি রোল্যান্ড জ্যাজ কোয়ার্টে’ এই দেশের শিল্পী ও শিক্ষার্থীদের জন্য কর্মশালার আয়োজন করবে, রেডিও-তে সরাসরি অনুষ্ঠানে অংশ নেবে, এবং আগামী ১০ই ডিসেম্বর শিল্পকলা একাডেমীতে একটি সঙ্গীতানুষ্ঠান পরিবেশন করবে। এই অনুষ্ঠানটি দর্শক শ্রোতাদের জন্য উন্মুক্ত থাকবে।

“জ্যাজ টাইমস” সাময়িকীর মতে ‘দ্য আরি রোল্যান্ড জ্যাজ কোয়ার্টে’ দলটি অত্যন্ত সুশিক্ষিত সঙ্গীত জ্ঞানসম্পন্ন, সৃষ্টিশীল এবং ধারাবাহিকভাবে চমৎকার জ্যাজ সঙ্গীত পরিবেশনকারী একদল তারণ্যের প্রতীক। তাদের সংগীত লুই আর্মস্ট্রং, ডিউক এলিংটন, চার্লি পার্কার, এবং অন্যন্য জ্যাজ সঙ্গীতজ্ঞদের দ্বারা অনুপ্রাণিত। তাদের পরিবেশিত চিরায়ত স্বর্ণালী যুগের ক্ল্যাসিক জ্যাজ সঙ্গীতের পাশাপাশি নিজেদের রচিত সংগীত -- দুই ই সমালোচক ও অনুরাগীদের প্রশংসা পেয়েছে। বিশ্বব্যাপী সংগীত পরিবেশনের পাশাপাশি এই ‘কোয়ার্টে’ আন্তর্জাতিক জ্যাজ সংগীত পরিচালনা করে থাকে যার মাধ্যমে তরঙ্গ শিল্পীরা এক হতে পারে।

বাংলাদেশে এই দলের সফরসূচীর উল্লেখযোগ্য অংশ হচ্ছে ১০ই ডিসেম্বর শুক্রবার সন্ধ্যা ৭টায় শিল্পকলা একাডেমীতে একটি জ্যাজ সঙ্গীতানুষ্ঠান পরিবেশন যা দর্শক শ্রোতাদের জন্য উন্মুক্ত থাকবে। সঙ্গীতানুষ্ঠান উপভোগ করার জন্য যে সব জায়গা থেকে বিনামূল্যে পাস সংগ্রহ করা যাবে সেগুলো হলো -- আলিয়াস ফ্রাঁসেজ (ধানমন্ডি), গেটে ইনসিটিউট (ধানমন্ডি), পিংজা হাট (ধানমন্ডি ও গুলশান), কেএফসি (বেইলি রোড),

বাংলাদেশ শর্ট ফিল্ম ফোরাম, এবং আমেরিকান সেন্টার (বাড়ী ১১০, রোড ২৭, বনানী)। ঢাকাতে এই দলটির কার্যসূচী এবং কনসার্টের শ্রোতাদের মধ্যে থেকে একজন ভাগ্যবান শ্রোতা কীভাবে একটি ‘আইপড শাফ্ল’ জিততে পারেন সে ব্যাপারে বিস্তারিত তথ্য পাওয়া যাবে যুক্তরাষ্ট্র দূতাবাসের ‘ফেসবুক পেজ’-এ --

<http://www.facebook.com/bangladesh.usembassy>

‘আরি রোল্যান্ড জ্যাজ কোয়ার্টেট’-এর সদস্যরা দুই দশক ধরে একসাথে সংগীত পরিবেশন করছেন।

এই দলের সদস্যরা হলেন ‘কন্ট্রা ব্যাস’-এ আরি রোল্যান্ড, ‘দ্য গ্লেন মিলার ব্যান্ড’ খ্যাত ক্রিস বায়ার্স যিনি স্যাম্প্রোফোন বাজিয়ে থাকেন, সুরকার ও “বিবপ” পিয়ানোবাদক জাইদ নাসের, এবং তার প্রজন্মের অন্যতম শ্রেষ্ঠ ‘ড্রামার’ কিথ বেলা। নয় বছর ধরে নিউ ইয়র্ক সিটি জ্যাজ ফ্লাব ‘স্মলস’ এ সংগীত পরিবেশনের পাশাপাশি এই দলটি বিভিন্ন দেশে সংগীত পরিবেশন করেছে, এবং ‘স্মলস রেকর্ডস’ এর জন্য প্রচুর সংগীত ধারণ করেছে। ‘দ্য আরি রোল্যান্ড জ্যাজ কোয়ার্টেট’ নিউ ইয়র্ক সিটি-তে প্রায়ই সংগীত পরিবেশন করে থাকে। বাংলাদেশে এটাই তাদের প্রথম সফর।

=====

জিআর/ ২০১০

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮-৩৭১৫০-৮, ফ্যাক্স: ৯৮-৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।